

**PREGO DE PRESCRIPCIONS TÉCNICAS
PARA O CONTRATO DE XESTIÓN DA
ESCOLA INFANTIL MUNICIPAL (EIM) DE SANTA MARTA-CASCO VELLO**

PRIMEIRA.- OBXECTO

O Concello de Vigo é o titular da Escola Infantil Municipal de Santa Marta-Casco Vello, destinada á prestación do servizo público de escola infantil de primeira etapa (0-3 anos). Os seus datos básicos indícanse na seguinte táboa:

Escola infantil municipal (EIM)	Enderezo	Nº de prazas	Nº Rexistro Xunta de Galicia
EIM Santa Marta – Casco Vello	Rúa Santa Marta nº 38 Interior (36202 Vigo)	0 - 1 anos : 16 1 - 2 anos : 26 2 - 3 anos : 30	E-638-C-4

O obxecto deste contrato é a prestación da xestión parcial, nos termos nos que se describe no presente prego e no de cláusulas administrativas, do servizo da Escola Infantil Municipal de Santa Marta-Casco Vello, que se prestará no citado inmovible e que comprende a atención total de nenos e nenas que se escolarizarán nela, tanto nos aspectos educativos que entran dentro das competencias do que a Lei Orgánica 2/2006 de educación (LOE), modificada parcialmente pola Lei Orgánica 8/2013 (LOMCE), define como primeiro ciclo de educación infantil, como na súa alimentación, coidado e hixiene dentro do horario da escola, e a xestión e administración do centro baixo a coordinación do Servizo de Educación, e de acordo cos requisitos contidos neste prego e no de prescricións administrativas. O contido mínimo e características xerais do servizo a prestar descríbense pormenorizadamente no Anexo 1 do presente prego “Normas xerais de organización e funcionamento das Escolas Infantís Municipais dependentes do Concello de Vigo”.

SEGUNDA.- CARACTERÍSTICAS XERAIS DA ESCOLA

A EIM de Santa Marta-Casco Vello conta con tres aulas, unha por cada nivel 0-1, 1-2 e 2-3. No Anexo 4 deste prego móstranse os planos de distribución da escola. Na organización das aulas, programación de actividades, horarios, baixas, etc, atenderase ao establecido no Proxecto Educativo de Centro (PEC) que será redactado polo licitador (de conformidade co indicado na cláusula Cuarta deste Prego), e no Regulamento de Réxime Interior (RRI) que será redactado polo Concello, no contexto do disposto no Anexo 1 do presente Prego e coa normativa vixente.

O centro dispón de servizo de cociña equipada e comedor propio dende o que se ofertarán, por conta do adxudicatario, os seguintes servizos: almorzo, xantar e merenda, axeitados ao horario de funcionamento.

TERCEIRA.- DEPENDENCIA DA ESCOLA

A citada EIM desenvolverá unha actividade educativa municipal dependente orgánicamente do Servizo de Educación do Concello de Vigo, e será xestionada parcialmente mediante contrato de servizos con empresa ou entidade nos termos contidos neste Prego de prescricións e nos seus anexos. Estas actividades desenvólvense no inmovible de titularidade municipal citado no cadro da cláusula primeira deste Prego.

CUARTA.- REFERENCIAS TÉCNICAS

O adxudicatario aterase ao contido nas Normas Xerais incluídas como Anexo 1 do presente prego. Non embargantes, presentará obrigatoriamente na súa oferta a seguinte documentación:

1.- PROXECTO EDUCATIVO DE CENTRO

Presentarase necesariamente coa seguinte estrutura e epígrafes, aos que o licitador



Copia auténtica do orixinal - Concello de Vigo

Data impresión: 19/04/2016 14:24

Páxina 1 de 4

Expediente 17500/332

Código de verificación: 28EA3-88B8D-3B3E4-8382B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



engadirá, se o considera oportuno, outros baixo o epígrafe xenérico de Outros, como derradeiro apartado do PEC aportado. A extensión máxima do PEC non poderá exceder as 100 páxinas (tamaño papel A4 e tamaño letra 12).

I. Análise do contexto

a. Características do centro

- Titularidade e financiamento.
- Número de unidades.
- Situación xeográfica.
- Descrición breve das instalacións.
- Servizos que se ofrecen. Desenvolvemento e aspectos educativos dos mesmos
- Proxección social do centro na zona.
- Relación coas familias.
- Recursos e materiais.
- Calendario e organización do horario.

b. Características do alumnado.

- Número de alumnas e alumnos, idades e agrupamentos.
- Características das familias.
- Tipo de relacións entre o alumnado.
- Nenos e nenas con necesidades educativas especiais: como se integran, apoios cos que se conta.
- Procedementos de información ás familias.

c. Características do persoal que traballará nos centros.

- Numero e funcións.
- Formación.
- Forma de traballar.
- Distribución das tarefas.
- Mecanismos de información entre o persoal.
- Mecanismos de formación do persoal
- Criterios que se seguen para a distribución do alumnado.
- Criterios de avaliación

d. Características do contorno.

- Situación.
- Características socioculturais, sociolingüísticas e económicas.
- Lingua empregada.
- Servizos que nos ofrecen para os nenos e as nenas.
- Relacións que mantén a escola cos recursos do contorno.
- Relación con outros centros.
- Como se traballa cos nenos e nenas o coñecemento do contorno social e natural.

II. Definición da escola.

- Confesionalidade da escola.
- Lingua de aprendizaxe. Normalización lingüística
- Liña metodolóxica.
- Coeducación: a educación para a igualdade.
- Colaboración cos pais e nais.

III. Obxectivos e programación

- Pedagóxicos
- Administrativos
- Organizativos
- Institucionais
- Lingüísticos

IV. Programas de actividades





- a. Relacións coa comunidade. Desenvolvemento e aspectos educativos das saídas.
- b. Con pais e nais.
- c. De inserción no territorio.
- d. Normalización lingüística.
- e. Coeducación: a educación para a igualdade.
- f. Aplicación de novas tecnoloxías
- g. Temporalización.

V. Estrutura organizativa.

Organización do centro para o logro dos obxectivos.

- Asignación de educadores aos grupos.
- Número de educadores por grupo.
- A dimensión do grupo.
- A composición do grupo.
- A titoría na escola infantil.
- A utilización dos espazos escolares.
- O equipamento, recursos e materiais didácticos necesarios para a execución de a oferta presentada

2. REGULAMENTO DE RÉXIME INTERNO

O Concello redactará o Regulamento de Réxime Interno conforme ao recollido no artigo 10.5 das Normas incluídas no Anexo 1 do presente Prego.

3. MATERIAL DIDÁCTICO

No Anexo 2 deste prego preséntase o inventario de material da escola, referido a mobiliario, equipamentos e material funxible dispoñible. O licitador poderá presentar unha relación de material e equipamento didáctico que considere necesario para realizar as actividades previstas no PEC proposto e que aportará ao inicio do contrato, material que pasará a formar parte do citado inventario.

QUINTA.- SEGUIMIENTO TÉCNICO DO CONTRATO

O Concello de Vigo realizará, a través do Servizo de Educación, o seguimento do contrato, solicitando á empresa adxudicataria cantos documentos e informes resulten necesarios para o seu control. Así como para o control de materiais, profesorado, alumnado, horario e servizos que deberán axustarse á oferta e ao indicado neste prego de condicións.

O servizo, en todas as súas manifestacións, orais e escritas de xestión e de información, entre outras, terá que prestarse en lingua galega.

A empresa adxudicataria deberá presentar anualmente unha memoria de actividades, así como a programación do curso seguinte e calquera outro documento que se solicite para a actualización do proxecto educativo e de xestión do centro.

SEXTA.- PERSOAL

No caso de que procedese a subrogación dos traballadores actuais desta escola infantil municipal, no Anexo 3 deste prego figuran os datos básicos da plantilla de traballadoras que actualmente prestan os seus servizos nesta escola, datos proporcionados pola empresa actual adxudicataria dos servizos de xestión da EIM Sta. Marta-Casco Vello.

Vigo, 21 de xaneiro de 2016

O TÉCNICO SUPERIOR DO SERVIZO DE EDUCACIÓN

Ignacio Ojea Pérez



**SEGUEN ANEXOS**

Anexo 1.- Normas xerais da Rede de Escolas Infantís Municipais (REIM) do Concello de Vigo.

Anexo 2.- Inventario de equipamento e materiais da escola infantil municipal de Santa Marta-Casco Vello.

Anexo 3.- Relación de persoal que actualmente presta os seus servizos na escola infantil municipal de Santa Marta-Casco Vello.

Anexo 4.- Planos da escola infantil municipal de Santa Marta-Casco Vello.



Copia auténtica do orixinal - Concello de Vigo

Data impresión: 19/04/2016 14:24

Páxina 4 de 4

Expediente 17500/332

Código de verificación: 28EA3-88B8D-3B3E4-8382B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>